

REPUBLIC OF KIRIBATI



s21, 37(3) Disaster Risk Management and Climate Change Act 2019

s2, 16, 17, 18, 19, 20 Public Health Infectious Disease Regulation

CURFEW ORDER

Ngai, **Te Berettenti, Taneti Maamau**, iaan mwakau are I a tia n anganaki man te tua ae Disaster Risk Management and Climate Change Act ao Public Health Infectious Disease Regulation ao I kanakoa te tua aio ibukin waaki ake a riai ni iraki karaoaia iaon Tarawa Teinainano ao Betio, Tarawa Teinainano ao Betio, Tarwaieta, Makin, Butaritari, Marakei, Abaiang, Maiana, Aranuka ao Abemama ni kaineiti ma Alert Level 3 n aron aikai:-

1. Kainan te nakonako imarenan te aoa 10 n te tairiki ni karokoa te aoa 5 n te moaningabong n te bong are imwina.
2. Ana tabo ni mwakuri ma ana kambwana te Tautaeaka nako ana bane n uki ma a na bane n ira nanon SOP are a tia ni kaweneaki ibukia. Aobitin Bootaki n Aro ma Ekaretia a kauangaki ba ana uki ngkanna a nora riaina ibukin kabutan aia waaki ao a na ira naba te SOP ibukia aobiti.
3. Bitineti nako a kona n uki ma a na riai n iri nanon kainibaire ibukin ukin tifo (SOP for Stores) n aron te tau raroa ae 2 mita, rabunan te ubu ao kainibaire riki tabeua man Botakin te Mauri ao Katoki Aoraki (MHMS) inanon ao itinanikun aia tifo n taai nako. A riai ni bane n in n te aoa ruaiwa (9) n te tairiki bwa aonga n kona n okiri aia auti taan mwakuri imwain boon 10 n te tairiki.
4. Taabo n amwarake a kona n uki ti ibukin te takeaway ma a na bane ira naba tuan te tau raroa are 2 miita, rabunan te ubu, aki babaware, aki ongiran te ngako ao tabeua riki.

5. E uki te akawa imarenan te aoa 5 n te ingabong nakon te aoa 10 n te tairiki. E taburoroko bwa a na aerake n abamakoro riki tabeua ma bon ti te tabo are a mwananga mai iai.
6. A na kona n buti bao ni mwamwananga ma a na riai n kamatoa bwa e na kabonganaaki rabunan te ubu iaon aia bao, te aki babaware ao ongiran te bwairi, e na uki taian winfo ni kabane ao a na tekateka baatintia iaon kaintekateka akea te itobwatobwa ma te tei.
7. Reirei ni kabane a na bane n in ni karokoa Term 2. Ti reirei iaon Kiritimati, Tabuaeran ao Teraina ngkai e aki rangin nakoraoi te internet ao te rerio ibukin te angareirei.
8. Taabo ni mooi nangkona, mooi manging ao taabo n takakaro a na bane n.in. E na teimatoa n tabuaki te bingko.
9. Ibukin te bwakate ke te Itita, ao bon ti te botaki n taromauri ao tutia ae e kaukaki ni moa man te Taabati 10 n Eberi ni karokoa te Moanibong 18 n Eberi ma e na riai n kabonganaki rabunan te ubu n taain te taromauri n taainako.
10. Te Auti ni Maungatabu e na kona ni waaki n taina are e baireaki rinanon te Oota aio.
11. Bobotaki nako ake tabeua a na kona ni waaki n aki raka iaon 50 te aomata ao a na boo itinaniku ao n ira tuan te tau raroa ae 2 mita, rabuna te ubu ao e na raioiroi butin ke ukin te ang iai.
12. Te nako n te onnaoraki ma kiriniki a kariaikaki ni kaineti ma ana kainibaaire te Botaki ibukin te Mauri ao Katoki Aoraki.
13. Mwamwanangaia kaibuke ao kiiba a bon kaukaki ibukin karokoan te bwaa, bwaa n aoraki ao kaako nako aonaba ri taari ao n te kibakiba.

14. Mwamwananga nakon aaba ake a tuai roko iai te COVID-19 e a uki ngkai ma e na riai n iraki nanon te kainibaire (SOP) n aron te tutuo imwain te mwananga, Kawakinam iboni iroum (self-quarantine), raoiroin mwin am tutuo imwain kibam, tenibong (3) am bong n rin n te tabo n katantan iaonnaba, ao raoiroin mwin am tutuo imwain ae ko kaotinakoaki. A kabaeaki Kautinara nako bwa a na karekei aia auti n katantan ibukin te itera aio.

15. Inanon tain te mwamwananga ao a kabaeaki bwatintia ma taan mwakuri iaon te bao ni mwamwananga bwa a na kabongana rabunan te ubu. A kabaeaki taan bwaibwai ao taan kabuta te bao bwa a na taraia bwa e iraki nanon aio iaon aia bao.

16. A kabaeaki bureitiman ao ana taan mwakuri te Tautaeka ake a tia n mwiokoaki bwa a na tara nanon te Oota aio ao te tua ae te Public Health (Infectious Disease) Regulation ao te Disaster Risk Management and Climate Change Act ao babaire riki ake a na kaotinakoaki imwina ba e na bane n iraki nanoia irouia aomata.

17. Babaire riki tabeua irarikin aikai aika a katawe man kawaekoaki karaoakiia a na kona ni bon ti tuangaki naba bureitiman ao ana taan mwakuri te Tautaeka ake a mwiokoaki bwa a na karaoi nanoia ni kaineti ma taabo tabeua ke aomata ke mwakuri nako ao a mwaiti riki ake a noraki riana ni karaoaki ibukin kakoroan nanon te Oota aio ma te tua ae te Public Health (Infectious Disease) Regulation ao te Disaster Risk Management and Climate Change Act ni kaineti ma te COVID-19.

18. Aki iran nanon te Oota ma tuua aikai bon uruan te tua ao a na kona bureitiman ni katikiko ao ni kamatawarikiko. Ko na kona naba n anganaki te tua n te tai naba are ko urua nanon te Oota aio (spot fine) irouia bureitiman n te mwaiti ae \$100 are ko na kabwaka nakon te Aobiti ni Mwane I Bairiki inanon 14 te bong man te tai are ko anganaki iai te beba n tua aio bwa ngkana ko aki ao

ko na uotaki nakon te kabowi ibukin am bure iaan te Oota aio. Ibukin buokan te matata ao uruan nanon kainibaire ake inanon te Public Health (Infectious Disease) Regulation bon te bure naba iaan te tua.

19. Ngkana iai te kaokoro ke te aki matata n te oota ae koreaki n te taetae n Kiribati aio ma te Oota are koreaki ke n rairaki nakon te taetae n lmatang, ao e na riai n iraki nanon te Oota are e koreaki n te taetae n Kiribati aio.

20. Te tua aio e kamaunai Oota ake a tia n karaoaki mai imwaina ni kaineti ma te Aoraki ae te COVID-19 ao e na moa bwainakina man te Katenibong 6 n Eberi 2022 man te aoa 5 n te ingabong ni karokoa 29 n Eberi, 2022 n te aoa 5 n te ingabong.

Dated 6th April 2022

HE TANETI MAAMAU

TE BERETITENTI

Printed by exhibition at the Office of Te Beretitenti on 6th April 2022.

DR. NAOMI BIRIBO

SECRETARY TO THE CABINET